

大乘五蘊論

世親菩薩造

唐三藏法師玄奘奉詔譯

如薄伽梵略說五蘊一者色蘊二者受蘊三者想蘊四者行蘊五者識蘊

云何色蘊謂四大種及四大種所造諸色云何四大種謂地界水界火界風界云何地界謂堅強性云何水界謂流濕性云何火界謂溫燥性云何風界謂輕等動性云何四大種所造諸色謂眼根耳根鼻根舌根身根色聲

香味所觸一分無表色等云何眼根謂色為境清淨色云何耳根謂聲為境清淨色云何鼻根謂香為境清淨色云何舌根謂味為境清淨色云何身根謂所觸為境清淨色云何為色謂眼境界顯色形色及表色等云何為聲謂耳境界執受大種因聲非執受大種因聲俱大種因聲云何為香謂鼻境界好香惡香及所餘香云何為味謂舌境界甘味醋味鹹味辛味苦味淡味云何名為所觸一分謂身境界除四大種餘所造觸滑性澀性重性

輕性冷飢渴等云何名為無表色等謂有表業及三摩地所生色等無見無對

云何受蘊謂三領納一苦二樂三不苦不樂樂謂滅時有和合欲苦謂生時有乖離欲不苦不樂謂無二欲

云何想蘊投十謂於境界取種種相十七

云何行蘊謂除受想諸餘心法及心不相應行云何名為諸餘心法謂彼諸法與心相應彼復云何謂觸作意受想思欲勝解念三摩地慧信慙愧無貪善根無瞋善根無癡善根

精進輕安不放逸捨不害貪瞋慢無明見疑忿恨覆惱嫉慳誑諸憍害無慙無愧昏沉掉舉不信懈怠放逸忘念散亂不正知惡作睡眠尋伺是諸心法五是徧行五是別境十一是善六是煩惱餘是隨煩惱四是不決定云何為觸謂三和合分別為性云何作意謂能令心發悟為性云何為思謂於功德過失及俱相違令心造作意業為性云何為欲謂於可愛事希塗為性

云何勝解謂於決定事即如所了印可為性
 云何為念謂於慣習事令心不忘明記為性
 云何三摩地謂於所觀事令心一境不散為性

云何為慧謂即於彼擇法為性或如理所引
 或不如理所引或俱非所引

云何為信謂於業果諸諦寶中極正符順心
 淨為性

云何為慙謂自增上及法增上於所作罪羞
 恥為性

云何為媿謂世增上於所作罪羞恥為性
 云何無貪謂貪對治令深厭患無著為性
 云何無瞋謂瞋對治以慈為性

云何無癡謂癡對治以其如實正行為性

云何精進謂懈怠對治心於善品勇悍為性

云何輕安謂麤重對治身心調暢十八堪能為性

云何不放逸謂放逸對治即是無貪乃至精

進依止此故捨不善法及即修彼對治善法

云何為捨謂即無貪乃至精進依止此故獲

得所有心平等性心正直性心無發悟性又

由此故於已除遣染汙法中無染安住
云何不害謂害對治以悲為性

云何為貪謂於五取蘊染變耽著為性

云何為瞋謂於有情樂作損害為性

云何為慢所謂七慢一慢二過慢三慢過慢

四我慢五增上慢六卑慢七邪慢云何慢謂
於劣計已勝或於等計已等心高舉為性云
何過慢謂於等計已勝或於勝計已等心高
舉為性云何慢過慢謂於勝計已勝心高舉
為性云何我慢謂於五取蘊隨觀為我或為

我所心高舉為性云何增上慢謂於未得增
上殊勝所證法中謂我已得心高舉為性云
何卑慢謂於多分殊勝計已少分下劣心高
舉為性云何邪慢謂實無德計已有德心息
舉為性

云何無明謂於業果及諦寶中無智為性此
復二種所謂俱生分別所起又欲纏貪瞋及
欲纏無明名三不善根謂貪不善根瞋不善
根癡不善根

云何為見所謂五見一薩迦耶見二邊執見

三邪見四見取五戒禁取云何薩迦耶見謂
 於五取蘊隨觀為我或為我所染汗慧為性
 云何邊執見謂即由彼增上力故隨觀為常
 或復為斷染汗慧為性云何邪見謂或謗因
 或復謗果或謗作用或壞善事染汗慧為性
 云何見取謂即於三見及彼所依諸蘊隨觀
 為最為上為勝為極染汗慧為性云何戒禁
 取謂於戒禁及彼所依諸蘊隨觀為清淨為
 解脫為出離染汗慧為性
 云何為疑謂於諦等猶豫為性諸煩惱中後

三見及疑惟分別起餘通俱生及分別起
 云何為忿謂遇現前不饒益事心損惱為性
 云何為恨謂結怨不捨為性
 云何為覆謂於自罪覆藏為性
 云何為惱謂發暴惡言尤蛆為性
 云何為嫉謂於他盛事心妬為性
 云何為慳謂施相違心吝為性
 云何為誑謂為誑他詐現不實事為性
 云何為諂謂覆藏自過方便所攝心曲為性
 云何為憍謂於自盛事染著倨傲心恃為性

云何為害謂於諸有情損惱為性

云何無慙謂於所作罪不自羞恥為性

云何無媿謂於所作罪不羞恥他為性

云何惛沉謂心不調暢無所堪能蒙昧為性

云何掉舉謂心不寂靜為性

云何不信謂信所對治於業果等不正信順

心不清淨為性

云何懈怠謂精進所治於諸善品心不勇猛

為性

云何放逸謂即由貪瞋癡懈怠故於諸煩惱

心不防護於諸善品不能修習為性

云何失念謂染汙念於諸善法不能明記為

性

云何散亂謂貪瞋癡分心流蕩為性

云何不正知謂於身語意現前行中不正依

住為性

云何惡作謂心變悔為性

云何睡眠謂不自在轉心極昧略為性

云何為尋謂能尋求意言分別思慧差別令

心麤為性

云何為伺謂能伺察意言分別思慧差別令
心細為性

云何心不相應行謂依色心心法分位但假
建立不可施設決定異性及不異性彼復云
何謂得無想等至滅盡等至無想所有命根
衆同分生老住無常名身句身文身異生性
如是等類

云何為得謂若獲若成就此復三種謂若種
子若自在若現前如其所應

云何無想等至謂已離徧淨貪未離上貪由

出離想作意為先不恒現行心心法滅為性
云何滅盡等至謂已離無所有處貪從第一
有更求勝進由止息想作意為先不恒現行
及恒行一分心心法滅為性

云何無想所有謂無想等至果無想有情天
中生已不恒現行心心法滅為性

云何命根謂於衆同分中先業所引住時決
定為性

云何衆同分謂諸有情自類相似為性

云何為生謂於衆同分中諸行本無今有為

性

云何為老謂即如是諸行相續變異為性
 云何為住謂即如是諸行相續隨轉為性
 云何無常謂即如是諸行相續謝滅為性
 云何名身謂諸法自性增語為性
 云何句身謂諸法差別增語為性
 云何文身謂諸字為性以能表彰前二種故
 亦名為顯由與名句為所依止顯了義故亦
 名為字非差別門所變易故
 云何異生性謂於諸聖法不得為性如是等

類已說行蘊

云何識蘊謂於所緣境了別為性亦名心意
 由積集故意所攝故最勝心者謂阿賴耶識
 何以故由此識中諸行種子皆積集故又此
 行緣不可分別前後一類相續隨轉又由此
 故從滅盡等至無想等至無想并二所有起者了
 別境名轉識還生待所緣緣差別轉故數數
 間斷還復轉故又令生死流轉旋還故阿賴
 耶識者謂能攝藏一切種子故又能攝藏我
 慢相故又復緣身為境界故即此亦名阿陀

那識能執持身故最勝意者謂緣阿賴耶識
 為境恒與我慢我癡我見及我愛等相應之
 識前後一類相續隨轉除阿羅漢果及與聖
 道滅盡等至現在前位

問以何義故說名為蘊答以積聚義說名為
 蘊謂世相續品類趣處差別色等總略攝故
 復有十二處謂眼處色處耳處聲處鼻處香
 處舌處味處身處觸處意處法處眼等五處
 及色聲香味處如前已釋言觸處者謂四大
 種及前所說所觸一分言意處者即是識蘊

言法處者謂受想行蘊無表色等及與無為
 云何無為謂虛空無為非擇滅無為擇滅無
 為及真如等云何虛空謂若容受諸色云何
 非擇滅謂若滅非離繫此復云何謂離煩惱
 對治而諸蘊畢竟不生云何擇滅謂若滅是
 離繫此復云何謂由煩惱對治故諸蘊畢竟
 不生云何真如謂諸法法性法無我性
 問以何義故名為處耶答諸識生長門義是
 處義

復有十八界謂眼界色界眼識界耳界聲界

耳識界鼻界香界鼻識界舌界味界舌識界
身界觸界身識界意界法界意識界
眼等諸界及色等諸界如處中說六識界者
謂依眼等根緣色等境了別爲性言意界者
謂即彼識無間滅等爲欲顯示第六意識及
廣建立十八界故如是色蘊即十處十界及
法處法界一分識蘊即意處及七心界餘三
蘊及色蘊一分并諸無爲即法處法界
問以何義故說名爲界者以能任持無作用
性自相義故說名爲界

問以何義故宣說蘊等者爲欲對治三種我
執如其次第三種我執者謂一性我執受者
我執作者我執

復次此十八界幾有色謂十界一少分即色
蘊自性幾無色謂所餘界幾有見謂一色界
幾無見謂所餘界幾有對謂十有色界若彼
於是處有所障礙是有對幾無對謂所餘
界幾有漏謂十五界及後三少分由於是處
煩惱起故現所行處故幾無漏謂後三少分
幾欲界繫謂一切幾色界繫謂十四除香味

鼻舌識幾無色界繫謂後三幾不繫謂即彼
 無漏界幾蘊所攝謂除無為幾取蘊所攝謂
 有漏幾善幾不善幾無記謂十通三種七心
 界及色聲法界八無記幾是內謂十二除色
 聲香味觸及法界幾是外謂六即所除幾有
 緣謂七心界及法界少分心所有法幾無緣
 謂餘十及法界少分幾有分別謂意識界意
 界法界少分幾執受謂五內界及四界少分
 謂色香味觸幾非執受謂餘九四少分幾同
 分謂五內有色界由與自識等境界故幾彼

同分謂即彼自識空時與自類等故

大乘五蘊論

音釋

蠢尺尹切 馱疎吏切 磁牆之切 倨倨居
蠢動也 馱疾也 磁石名也 倨傲御居
倨疑到切 曠古猛切 矯舉大切 燥先切
倨不遜也 曠廢也 矯詐也 燥乾
也 悍侯肝切 蛆子余切